

十二



光緒四會縣志編十

雜事志

子目凡四

災祥 雜事一

明

太宗永樂十五年丁酉冬大雪

案通志作十三年

英宗正統十年乙丑地震山崩石墜

憲宗成化二十年甲辰五色雲見東南方

二十一年乙巳秋甘露降于泮宮

二十三年丁未冬十月地震有聲

武宗正德二年丁卯大有年

十一年丙子春大雨水潦暴漲室廬壞山崩早稼不登晚禾失種

十六年辛巳秋九月暴雨水驟溢太平郡民居橋梁壞者甚眾城西南隅衝潰

世宗嘉靖七年戊子夏大旱

十一年壬辰虎

十四年乙未正月地震五月大水諸堤決

十七年戊戌大有年

十八年己亥夏四月地震

三十四年乙卯颶風

三十六年丁巳春大雨雹

三十七年戊午夏四月颶風拔木壞廬舍黻宮門石柱仆
三十八年己未春三月大水山崩

四十年辛酉春三月雨雹秋八月地震有聲如雷

穆宗隆慶三年己巳夏六月社山民家雌雞化爲雄

四年庚午大水

六年壬申河水橫漲倒樹傾屋壞堤橋禾稼不可勝數

神宗萬曆十四年丙戌秋七月大水壞民居二千五百餘溺
死二十三人壞田禾三千七百餘頃

十七年己丑大水傷稼斗米百錢

十九年辛卯地震屋瓦有聲

二十三年己未饑斗穀銀四錢鬻男女者不可勝計

二十八年庚子颶風晝夜暴雨不止水漲衝堤十餘處湮沒田產人畜無數

三十三年甲辰夏地震十月又震有聲

三十三年乙巳夏五月二十八日亥時地大震六月初四日酉時復震連日不止冬十月初一日子時地震有聲移時乃止

三十五年丁未冬十一月甘露降

三十八年庚戌春地震

四十四年丙辰夏大水大興圍決

懷宗崇正三年庚午雷震文廟落鴟尾

八年乙亥大水壞民居田產無數

國朝

聖祖康熙四年乙巳秋八月十一日卯時地震屋瓦有聲

五年丙午秋九月二十六日丑時地震二次屋瓦有聲

八年己酉秋七月有鹿由東門入城獲之

十五年丙辰冬十二月晦地震

十六年丁巳正月地震夏四月颶風拔木

十七年戊午春閏三月大雨雹水決倉豐黃塘姚沙等圍淹

沒田禾無數

二十六年丁卯夏四月大水城頽并衝決倉豐大興等圍淹

沒田禾無數

二十八年己巳春閏三月大水湧入城東南門內各處基圍

田舍無恙夏四月鳳山堂蓮開並蒂

六十年辛丑冬十一月二十七日酉時地震屋瓦有聲十二月初九日雷震翼日雷復大震

六十一年壬寅夏六月二十五六日颶風大雨水入城門內深五尺

世宗雍正六年戊申秋七月初六日夜颶風大作拔樹毀屋高宗乾隆十二年丁卯秋七月初四日夜颶風大雨至初六早風止仍大雨水入城文明門口水深二尺南門口深三尺八寸至初十日水退壞民居二千餘間決濠邊寨背清水灣彭涌灣各十餘丈

案決字上應有倉豐圍二字

十三年戊辰夏四月大旱自上年九月至是不雨穀價大貴
秋九月十五日新路下盤古巷有井水已涸忽漲起水色黃
濁

十六年辛未夏五月大水穀貴

十七年壬申春正月寒甚穀貴

十八年癸酉夏五月穀貴

二十三年戊寅夏四月穀貴

二十五年庚辰秋九月十二日酉戌時白氣亙天自西南橫
至東北角亥時止是冬多虎傷人

二十六年辛巳秋八月初四日夜颶風大作

三十四年己丑夏五月初一二三連日大雨水入城文明門

開板一塊深二尺五寸決倉豐園大榕樹腳四十餘丈

三十六年辛卯春正月朔南門柱史坊有喜鵲羣鳥飛鳴其上翼日黎明復有鸛鵒成羣飛鳴旋繞巳時東柱腳爆竹紙火發坊幾燬迅拆上蓋救熄

四十一年丙申八月初八日辰巳時大雨雷擊落對岡塔頂鐵胡蘆

四十三年戊戌大旱無麥禾道殣相望

四十九年甲辰大雨決倉豐園彭塘四十餘丈

五十一年丙午大旱禾麥俱無斗米銀三錢餓殍滿野

五十二年丁未春夏旱無禾斗米銀二錢三四分民重困晚

造有收穀價始平

五十六年辛亥夏大水諸隄盡決

五十七年壬子夏東門外槎山有虎眾逐之傷二人死一人
越數日虎忽不見

五十九年甲寅秋蟲傷禾稼

仁宗嘉慶四年己未夏大水諸隄盡決

十一年丙寅夏大水諸隄盡決

十三年戊辰秋旱無禾

十四年己巳大饑春夏閒米價騰湧斗米銀二錢三四分邑
紳捐賑二十餘日禾熟乃已

十八年癸酉夏五月大水諸隄盡決倒屋甚多早禾失收

二十四年己卯秋八月二十一日颶風大作晚更甚天后宮

前拔大榕樹一株

二十五年庚辰秋縣衙後大榕樹頂有氣如濃烟勃勃涌出
十餘日始沒

宣宗道光二年壬午冬鄧村有人熊聲如牛鳴樵牧多遇之
月餘不見

三年癸未秋七月大雨水暴漲黃塘黃岡圍決

四年甲申早稻豐登

以上舊志原文

六年丙戌秋彗星見

九年己丑夏五月至六月大水姚沙大興圍決

十一年辛卯冬寒甚

十二年壬辰夏旱

十三年癸巳夏五月大水倉豐姚沙黃塘大興墩頭圍決饑
秋七月十六颶風大作歷四晝夜

十四年甲午夏五月大水大興圍決蝗冬十二月廿二日大
雪漫天如飛絮積地四寸餘

十七年丁酉大水倉豐姚沙黃塘大興圍決

十九年己亥大水大興圍決

二十一年辛丑東門大火龍橋燬

二十四年甲辰大水大興高路圍決

二十六年丙午大有年

文宗咸豐元年辛亥夏旱

三年癸丑五月大水大興高路圍決

六年丙辰大水倉豐姚沙黃岡白鶴隆伏馬岡大興圍決

九年己未秋七月二十一二三連日大雨上路平地水深二丈八尺田東畱甫下茅上茅龍頭甫田耽塘下觀芙蓉九鋪衝倒房屋五百餘間衝決坑基無數人口牲畜亦有淹斃中路倉豐圍決

十一年辛酉大水大興圍決

穆宗同治元年壬戌大水姚沙橫瀝黃岡圍決秋七月初一日颶風大作

三年甲子大水大興圍決秋七月颶

五年丙寅大水大興圍決

八年己巳春正月大風雨壞民房及城牆

十年辛未秋八月久雨東西城基塌三丈餘

十一年壬申大水大興墩頭圍決

今上光緒四年戊寅大水黃岡大興圍決

五年己卯大水隆伏圍決

六年大水黃岡白鶴隆伏高路圍決

八年壬午秋彗星晨見東南方

十年甲申大水白鶴隆伏圍決

十一年乙酉五月初四五日連大雨江水驟漲圍基盡漫決
壞民房淹牲畜無算人口亦有溺斃者

十四年戊子大水倉豐姚沙馬鞍黃岡馬岡高路墩頭圍決

十五年己丑大水衝壞西北隅城基

光緒四會縣志
十八年壬辰冬十一月二十八夜大雪積地三寸餘

二十年甲午秋八月二十六七八九月初二三四五等日疾風暴雨晝夜不息山水大漲中下路圍基幸無衝決而上路田東留甫鳳鳴下茅上觀上茅龍頭甫田鹿鳴下觀芙蓉十一鋪衝塌民房一千四百餘間坑基衝決無數淹斃牲畜甚多人口幸未傷損

二十一年乙未冬有年

二十二年丙申夏大有年冬有年

六月十九夜颶風大作吹倒東城女牆四丈餘民房閒有坍塌大木斯拔

十二月十七夜東門外大火龍橋燬邑紳吳大猷捐貲修復

二十四年戊戌春旱穀貴米每斗價銀二錢閏三月初一日
乃雨六月望前新穀百斤價銀尙沽一兩八錢望後乃平

